

cum solus Maeandrius ad testimonium dicendum processerit nullis ornamentis vel morum vel dignitatis instructus. Ita quod validum esse contra Flaccum poterat, ex contemplatione publici testimonii pro abieco accipiendum 5 videbitur uno loquente et eo, qui non sit aliqua honestate subnixus.

Quasi ministrator aderat.

§ 53.

Μεταφορικῶς accipe. Ministratorem [his] enim dicit, qui tela gladiatoribus suggerit; ad quem modum vult 10 intellegi etiam ab hoc accusatoribus crimina subministrari.

Quare si hunc habent auctorem Tralliani doloris sui.

... Poten ...

(Desunt VIII paginae.)

15 ... tem ad consulatum usque pervenerit, ille vero de- § 77.
posita tribunicia potestate damnatus sit; et firmamentum adicit huic argumentationi ... hunc quoque Decianum nihil apud animum Flacci resedisse ex illis inimicitiis credidisse, quandoquidem non dubitaverit sub eodem 20 tribuno militare.

Cum prodire nollet; non est hoc in absentem, § 78.
sed in latenter.

... Breviter et expedite per definitionem probavit nihil inique iudicasse Flaccum, quando se non absentem 25 fuisse probet eo tempore, quo sententia dicta sit, sed prodire noluisse fateatur se de conscientia malae causae.

Mitto, quod aliena, mitto, quod possessa § 79.
per vim.